

十誦律



三百十四
以二

十誦律卷第四十二

姚秦三藏弗若多羅共三藏鳩摩羅什譯

第七誦之一

尼律不共八波羅夷第五事

佛在舍衛國介時舍衛國中王園精舍有比丘尼名周那難陀年少端正有鹿子居士見亦年少端正男子於周那難陀比丘尼深生漏心是比丘尼於是男子亦生漏心見如是思惟若我語是比丘尼作是事者身自得罪王當治我惡名流布四方身壞命終當墮地獄比丘尼亦如是思惟若我語是男子作是事者身自得罪而令他得罪惡名流布四方諸比丘比丘尼以法治我諸人善



神不復守護我身壞命歿當墮地獄是比丘
尼常憶念是男子不得從意故生病羸瘦在
房內卧斷威儀不能行來是男子聞是比丘
尼得病受苦惱在房內卧不能行來聞已作
是念是比丘尼更無有病但以念我故致是
羸瘦受諸苦惱我何不往是比丘尼所不說
是事亦能除病作是念已即往王園比丘尼
精舍到已問諸比丘尼言周那難隨比丘尼
為在何處荅言在某房內病卧受苦惱斷威
儀不能行來是男子即往到比丘尼房中摩
觸抱捉作是言汝病小差不可忍不苦惱不
增長耶荅言病不差不可忍苦惱增長亦時

比丘尼口出惡不淨語作是言此是我分他不愛念我我便愛念他是中有比丘尼少欲知足行頭陀聞是事心不喜呵責言云何名比丘尼有漏心聽漏心男子摩觸抱捉種種因緣呵已向佛廣說佛以是事集二部僧佛知故問周那難陀比丘尼汝實作是事不答言實作世尊佛以種種因緣呵責云何名比丘尼有漏心聽漏心男子摩觸抱捉種種因緣呵已語諸比丘以十利故與比丘尼結戒攝僧故極好攝故僧安樂住故折伏高心人故有慚愧者得安樂故不信者得淨信故已信者增長信故遮今世惱漏故斷後世惡趣

故梵行久住故從今是戒應如是說若比丘
尼有漏心聽漏心男子髮際以下至腕膝以
上却衣順摩逆摩牽推案搯抱上抱下是比
丘尼得波羅夷不共住漏心者於是人邊生
愛結深厚男子漏心亦如是男者謂人男能
作姪事波羅夷者是罪弊惡深重退墮不如
是故名波羅夷不共住者諸比丘尼不與此
比丘尼共作法事謂白羯磨白二羯磨白四
羯磨說戒自恣作十三比丘尼羯磨是中犯
者有八種若比丘尼生漏心聽漏心男子却
衣順摩面犯波羅夷若摩咽若匈脅脊腹齋
大小便處脛乃至膝如是順摩逆摩牽推案

搯亦如是髮際以上腕以前膝以下却衣摩
觸偷蘭遮若比丘尼有漏心聽漏心男子却
衣從地抱著机上波羅夷從机上著獨坐床
上從獨坐床上著大床上從大床上著輦上
從輦上著車上從車上著馬上從馬上著象
上從象上著堂上皆波羅夷又比丘尼有漏
心聽漏心男子却衣從堂上抱著象上從象
上著馬上從馬上著車上從車上著輦上從
輦上著大床上從大床上著獨坐床上從獨
坐床上著机上從机上著地上皆波羅夷若
髮際以上腕以前膝以下聽却衣抱舉上下
偷蘭遮若比丘尼有漏心聽漏心男子合衣

順摩面偷蘭遮若咽若匄脅脊腹齋大小便處
脛膝得偷蘭遮如順摩逆摩牽推案搯亦如是
合衣摩觸髮際以上腕以前膝以下突吉羅
又比丘尼有漏心聽漏心男子合衣抱從地
著机上偷蘭遮從机上著獨坐床上從獨坐
床上著大床上從大床上著舉上從舉上著
車上從車上著馬上從馬上著象上從象上
著堂上皆偷蘭遮又比丘尼有漏心聽漏心
男子合衣抱從堂上著象上從象上著馬上
從馬上著車上從車上著舉上從舉上著大
床上從大床上著獨坐床上從獨坐床上著
机上從机上著地上皆偷蘭遮若髮際以止

腕以前膝以下聽合衣抱舉上下突吉羅不
犯者若父想兄弟想兒子想若水漂若火燒
若刀稍弓杖若欲墮坑若值惡獸難惡鬼難
不犯一切無著心不犯

竟 五事

佛在王舍城介時助調達比丘尼聽六群比
丘捉手捉衣共立共語共期入屏覆處待男
子來舉身如白衣女介時有比丘尼少欲知
足行頭陁聞是事心不喜種種因緣呵責言
云何名比丘尼有漏心聽漏心男子捉手捉
衣共立共語共期入屏覆處待男子來舉身
如白衣女種種因緣呵已向佛廣說佛以是
事集二部僧知而故問助調達比丘尼汝實

作是事不荅言實作世尊佛以種種因緣呵責云何名比丘尼有漏心聽漏心男子捉手捉衣共立共語共期入屏覆處待男子來舉身如白衣女種種因緣呵已語諸比丘以十利故與比丘尼結戒從今是戒應如是說若比丘尼有漏心聽漏心男子捉手捉衣共立共語共期入屏覆處待男子來舉身如白衣女以是八事示貪著相是比丘尼犯波羅夷不應共住漏心者於是人邊生愛結深厚男子漏心亦如是男者謂人男能作姪事捉手者從腕前名爲手捉衣者捉攬身衣共立者可說不淨語處共語者可說不淨語處共期

者可作惡處入屏覆處者若壁覆障草蓆覆障衣慢覆障處待男子來者可作惡處舉身如白衣女者若捉若抱不逆男子意如白衣女用是八事示貪著相犯波羅夷波羅夷者是罪弊惡深重退墮不如若比丘尼犯是罪者不名沙門尼非釋女失比丘尼法不共住者諸比丘尼不共作法事謂白羯磨白二羯磨白四羯磨說戒自恣立十三比丘尼羯磨是中犯者若比丘尼有漏心聽漏心男子捉手偷蘭遮聽捉衣偷蘭遮若共立偷蘭遮若共語偷蘭遮若共期偷蘭遮若入屏覆處偷蘭遮待男子來偷蘭遮身與男子如白衣女

偷蘭遮若具作八事犯波羅夷

六事竟

佛在王舍城尔時有二比丘尼是姊妹姉名
弥多羅妹名弥帝隸弥多羅比丘尼作不淨
行犯姪欲弥帝隸比丘尼善好不犯姪欲弥
多羅比丘尼後時反戒作白衣諸比丘尼往
語弥帝隸比丘尼言汝姉反戒作白衣為好
不荅言我亦先知是比丘尼犯如是如是
不淨行我但不欲自舉不欲向僧說或有人言
云何名比丘尼自汙姉是中有比丘尼少欲
知足行頭陀聞是事心不喜種種因緣呵責
言云何名比丘尼知他比丘尼有麁罪覆藏
種種因緣呵已向佛廣說佛以是事集二部

僧知而故問彌帝鉢比丘尼汝實作是事不
答言實作世尊佛以種種因緣呵責云何名
比丘尼知比丘尼犯麤罪覆藏種種因緣呵
已語諸比丘以十利故與比丘尼結戒從今是
戒應如是說若比丘尼知比丘尼犯麤罪覆
藏乃至一夜是比丘尼知彼比丘尼若退若
住若滅若去後作是言我亦先知是比丘尼
犯如是如是不淨行但不欲自舉不欲向僧
說或有人言云何名比丘尼自汗妬是比丘
尼犯波羅夷不應共住知者若自知若從他
聞若罪比丘尼自說麤罪者若波羅夷若僧
伽婆尸沙復次一切罪皆名為麤但分別五

種罪故二種名麁一夜者從日沒至地未了
是名夜彼比丘尼退者退失比丘尼法住者
住白衣法中滅者如法如毗尼如佛教與
滅擯羯磨去者入外道去然後作是言我先
知是比丘尼犯如是如是不淨行我不欲自
舉不欲向僧說或有人言云何妹自行婦是
比丘尼犯波羅夷不應共住波羅夷者是罪
弊惡深重退墮不如若比丘尼作是罪非沙
門尼非釋女失比丘尼法不共住者諸比丘
尼不共作法事謂白羯磨白二羯磨白四羯
磨說戒自恣立十三比丘尼羯磨是中犯者
若比丘尼見餘比丘尼地了時犯波羅夷罪

是比丘尼波羅夷中生波羅夷想竟日覆蔽
他罪至地了時犯波羅夷若是比丘尼僧與
作不見擯不作擯惡邪不除擯狂心亂心病
壞心介時覆蔽不犯若僧與是比丘尼解擯
若苦痛止還得本心是時覆蔽他罪至地了
時犯波羅夷若比丘尼見餘比丘尼地了已
日出時日出已中前日中日昃晡時日沒時
日沒已初夜初分初夜中分初夜後分中夜
初分中夜中分中夜後分後夜初分後夜中
分後夜後分覆蔽他罪至地了時犯波羅夷
是波羅夷中生波羅夷想覆蔽他罪至地了
時犯波羅夷若是比丘尼僧與作不見擯不

作擯惡邪不除擯狂心亂心病壞心念時覆截
不犯若僧與是比丘尼解擯若苦痛止還得
本心念時覆截他罪至地了時犯波羅夷若
比丘尼見餘比丘尼地了時犯波羅夷於波
羅夷中謂波羅夷謂僧伽婆尸沙謂波逸提
謂波羅提提舍尼謂突吉羅是比丘尼於波
羅夷中生僧伽婆尸沙想覆截他罪至地了
時犯波羅夷又比丘尼日出時日出已中前
日中日昃晡時日沒日沒已初夜初分初夜
中分初夜後分中夜初分中夜中分中夜後
分後夜初分後夜中分後夜後分見比丘尼
犯波羅夷是波羅夷中謂僧伽婆尸沙謂波

逸提謂波羅提提舍尼謂突吉羅於波羅夷
中生僧伽婆尸沙想覆藏他罪至地了時犯
波羅夷生波逸提想生波羅提提舍尼想突
吉羅想亦如是若僧與是比丘尼作不見擯
不作擯惡邪不除擯狂心亂心病壞心念時
覆藏不犯若僧與是比丘尼解擯若苦痛止
還得本心念時覆藏他罪至地了時犯波羅
夷若比丘尼見餘比丘尼地了時犯波羅夷
罪於波羅夷中生疑為波羅夷為非波羅夷
後時斷疑於波羅夷中生波羅夷想覆藏他
罪至地了時犯波羅夷又比丘尼日出時日
出已中前日中日昃晡時日沒日沒已初夜

初分初夜中分初夜後分中夜初分中夜中
分中夜後分後夜初分後夜中分後夜後分
見比丘尼犯波羅夷於波羅夷中生疑為波
羅夷非波羅夷後時斷疑於波羅夷中生波
羅夷想覆截他罪至地了時犯波羅夷若僧
與是比丘尼作不見擯不作擯惡邪不除擯
若是比丘尼狂心亂心病壞心今時覆截不犯
若僧與是比丘尼解擯若苦痛止還得本心
今時覆截他罪至地了時犯波羅夷若比丘
尼見餘比丘尼地了時犯波羅夷於波羅夷
中生疑為波羅夷為僧伽婆尸沙為波羅夷
為波逸提為波羅夷為波羅提提舍尼為波

羅夷為突吉羅後時斷疑於波羅夷中生波
羅夷想覆截他罪至地了時犯波羅夷又比
丘尼日出時日出已中前日中日昃晡時日
沒時日沒已初夜初分初夜中分初夜後分
中夜初分中夜中分中夜後分後夜初分後
夜中分後夜後分見比丘尼犯波羅夷罪於
波羅夷中生疑為波羅夷為僧伽婆尸沙為
波羅夷為波逸提為波羅夷為波羅提提舍
尼為波羅夷為突吉羅後時斷疑於波羅夷
中生波羅夷想覆截他罪至地了時犯波羅
夷若僧與是比丘尼作不見擯不作擯惡邪
不除擯若狂心亂心病壞心念時覆截不犯

波羅夷若僧與是比丘尼解擯若苦痛止還
得本心念時覆截他罪至地了時犯波羅夷
若比丘尼見餘比丘尼地了時犯波羅夷於
波羅夷中生疑為波羅夷為僧伽婆尸沙為
波逸提為波羅提舍尼為突吉羅後時斷
疑於波羅夷中生僧伽婆尸沙想覆截他罪
至地了時犯波羅夷又比丘尼日出時日出
已中前日中日昃晡時日沒日沒已初夜初
分初夜中分初夜後分中夜初分中夜中分
中夜後分後夜初分後夜中分後夜後分見
餘比丘尼犯波羅夷於波羅夷中生疑為波
羅夷為僧伽婆尸沙為波羅夷為波逸提為

波羅夷爲波羅提提舍尼爲波羅夷爲突吉
羅後時斷疑於波羅夷中生僧伽婆尸沙想
覆藏他罪至地了時犯波羅夷若僧與是此
比丘作不見擯不作擯惡邪不除擯若狂心
亂心病壞心亦時覆藏不犯若僧與是比丘
尼解擯若苦痛止還得本心亦時覆藏他罪
至地了時犯波羅夷若比丘尼見餘比丘尼
地了時犯波羅夷於波羅夷中生疑爲波羅
夷爲僧伽婆尸沙爲波逸提爲波羅提提舍
尼爲突吉羅後時斷疑於波羅夷中生波逸
提想覆藏他罪至地了時犯波羅夷又比丘
尼日出時日出已中前日中日昃晡時日沒

日沒已初夜初分初夜中分初夜後分中夜
初分中夜中分中夜後分後夜初分後夜中
分後夜後分見比丘尼犯波羅夷於波羅夷
中生疑為波羅夷為僧伽婆尸沙為波逸提
為波羅提提舍尼為突吉羅後時斷疑於波
羅夷中生波逸提想覆蔽他罪至地了時犯
波羅夷若僧與是比丘尼作不見擯不作擯
惡邪不除擯若狂心亂心病壞心尔時覆蔽
不犯波羅夷若僧與是比丘尼解擯若苦痛
止還得本心尔時覆蔽他罪至地了時犯波
羅夷若比丘尼地了時見他比丘尼犯波羅
夷於波羅夷中生疑為波羅夷為僧伽婆尸

沙為波逸提為波羅提提舍尼為突吉羅後
時斷疑於波羅夷中生波羅提提舍尼想覆
截他罪至地了時犯波羅夷又比丘尼日出
時日出已中前日中日昃晡時日沒日沒已
初夜初分初夜中分初夜後分中夜初分中
夜中分中夜後分後夜初分後夜中分後夜
後分見比丘尼犯波羅夷於波羅夷中生疑
為波羅夷為僧伽婆尸沙為波逸提為波羅
提提舍尼為突吉羅後時斷疑於波羅夷中
生波羅提提舍尼想覆截他罪至地了時犯
波羅夷若僧與是比丘尼作不見擯不作擯
惡邪不除擯若是比丘尼狂心亂心病壞心

尔時覆藏不犯若僧與是比丘尼解擯若苦
痛止還得本心尔時覆藏他罪至地了時犯
波羅夷若比丘尼地了時見他比丘尼犯波
羅夷於波羅夷中生疑為波羅夷為僧伽婆
尸沙為波逸提為波羅提舍尼為突吉羅
後時斷疑於波羅夷中生突吉羅想覆藏他
罪至地了時犯波羅夷又比丘尼日出時日
出已中前日中日昃晡時日沒日沒已初夜
初分初夜中分初夜後分中夜初分中夜中
分中夜後分後夜初分後夜中分後夜後分
見比丘尼犯波羅夷於波羅夷中生疑為波
羅夷為僧伽婆尸沙為波逸提為波羅提提

舍尼爲突吉羅後時斷疑於波羅夷中生突
吉羅想覆藏他罪至地了時犯波羅夷若僧
與是比丘尼作不見擯不作擯惡邪不除擯
若是比丘尼狂心亂心病壞心尔時覆藏不犯波
羅夷若僧與是比丘尼解擯若苦痛止還得本
心尔時覆藏他罪至地了時犯波羅夷七事
竟
佛在俱舍彌國尔時衆僧一心和合與迦留
羅提舍比丘作不見擯是迦留羅提舍比丘
有姊妹比丘尼七人一偷羅難陀尼二周那
難陀尼三提舍尼四優波提舍尼五提舍域
多尼六提舍波羅那尼七提舍羅义多尼是
諸比丘尼聞加留羅提舍僧與作不見擯往

問迦留羅提舍言僧實與汝作不見擯耶荅
言實作是諸比丘尼言汝莫下意軟語折伏
我等當供養汝財物衣鉢戶鈎時藥夜分藥
七日藥盡形藥若讀經誦經問疑我等教汝
汝何故折伏是中有比丘尼少欲知足行頭
陀聞是事呵責言云何名比丘尼知比丘一
心和合僧作不見擯獨一無二無伴無侶不
休不息隨順行諸比丘尼如是呵已向佛廣
說佛以是事集二部僧知而故問是諸比丘
尼汝等實作是事不荅言實作世尊佛以種
種因緣呵責云何名比丘尼知比丘一心和
合僧如法作不見擯獨一無二無伴無侶不

休不息隨順行種種因緣呵已語諸比丘以
十利故與比丘尼結戒從今是戒應如是說
若比丘尼知是比丘一心和合僧如法作不
見擯獨一無二無伴無侶不休不息隨順行
諸比丘尼應如是諫是比丘尼是比丘一心
和合僧作不見擯獨一無二無伴無侶不休
不息汝莫隨順行是比丘尼諸比丘尼如是
諫時堅持是事不捨者諸比丘尼應第二第
三諫令捨是事第二第三諫時若捨是事善
若不捨者是比丘尼犯波羅夷不共住知者若
自知若從他聞若彼罪比丘自說如法者如
法如毗尼如佛教擯獨一無二無伴無侶者

一切擯比丘獨一無二無伴無侶不休者不
下意不折伏不息者不捨惡邪見隨順者有
二種與財與法諸比丘尼應語是擯比丘汝
應折伏下意向大僧汝若不折伏下意者諸
比丘尼僧當作不禮拜不共語不供養羯磨
若是比丘折伏下意者善若不折伏悔過者
諸比丘尼應當一心和合與是比丘作不禮
拜不共語不供養羯磨法者一心和合
比丘尼僧一比丘尼唱言大德尼僧聽某甲
比丘一心和合僧作不見擯獨一無二無伴
無侶不休不息若僧時到僧忍聽與某甲以
丘作不禮拜不共語不供養羯磨是名白如

是白四羯磨僧與某甲比丘作不禮拜不共
語不供養羯磨竟僧忍默然故是事如是持
比丘尼僧亦應如是語是比丘尼是比丘一
心和合僧作不見擯獨一無二無伴無侶不
休不息汝等莫隨順助行是比丘尼諸比丘
尼如是諫時堅持是事不捨者諸比丘尼應
第二第三諫令捨是事第二第三諫時捨是
事善若不捨者是比丘尼犯波羅夷不共住
波羅夷者是罪弊惡深重退墮不如若比丘
尼犯是事者不名沙門尼非釋種女失比丘
尼法不共住者諸比丘尼不共作法事謂白
羯磨白二羯磨白四羯磨說戒自恣立十三

比丘尼羯磨是中犯者若比丘尼僧未作不
禮拜不共語不供養羯磨介時比丘尼教是
比丘經若是偈說偈突吉羅若是章說章
章突吉羅若是別句說句句突吉羅若擯比
丘教比丘尼讀誦經若比丘尼受偈說偈
突吉羅若受章說章章突吉羅若受別句說
句句突吉羅若比丘尼與財供養與鉢突吉
羅與衣突吉羅與戶鈎時藥夜分藥七日藥
盡形藥皆突吉羅若擯比丘與比丘尼財供
養若與衣鉢比丘尼受者皆突吉羅若與戶
鈎時藥夜分藥七日藥盡形藥比丘尼受者
皆突吉羅若比丘尼僧作不禮拜不共語不

供養羯磨竟尔時比丘尼教比丘讀誦經若
是偈說偈偈偷蘭遮若章說章章偷蘭遮若
別句說句句偷蘭遮若擯比丘教比丘尼讀
誦經若是偈說偈偈偷蘭遮若章說章章偷
蘭遮若別句句說句句偷蘭遮若比丘尼與擯
比丘財供養若與鉢偷蘭遮若與衣偷蘭遮
若與戶鈎時藥皆偷蘭遮夜分藥七日藥盡
形藥皆偷蘭遮若擯比丘與比丘尼財供養
若與鉢比丘尼受者偷蘭遮若與衣戶鈎時
藥夜分藥七日藥盡形藥比丘尼受者皆偷
蘭遮諸比丘尼先應軟語教是隨助比丘尼
言汝莫佐助擯比丘莫隨順行若軟語時捨

者應教令作衆多突吉羅衆多偷蘭遮悔過
出罪若輕語不捨者應與白四羯磨約勅約
勅法者一心和合比丘尼僧一比丘尼唱言
大德尼僧聽某甲比丘一心和合僧與作不
見擯獨一無二無伴無侶不休不息某甲比
丘尼隨助已輕語約勅不捨若僧時到僧忍
聽今僧約勅某甲比丘尼是比丘一心和合
僧與作不見擯獨一無二無伴無侶不休不
息汝等比丘尼莫隨順行是名白如是白四
羯磨僧約勅某甲比丘尼竟僧忍默然故是
事如是持如佛先說是諸比丘尼應約勅乃
至三教令捨是事者是名約勅是名爲教是

名約勅教若輕語約勅不捨者未犯若初說
未竟說竟第二說說未竟說竟第三說說未
竟若非法別衆非法和合衆似法別衆似法
和合衆若如法別衆若異法異律異佛教若約
勅不捨者未犯若如法如律如佛教三約勅
竟不捨者是比丘尼犯波羅夷

八波羅夷竟

十七僧殘中第四事

佛在舍衛國介時有比丘尼名施越年少端
正有一估客見已生漏心作是念諸比丘尼
王所守護不得強爲不淨事我當請供養所
須作是念已便到是比丘尼所言汝所須物
若飲食衣服卧具湯藥所須我當相給比丘

尼言當受汝請是比丘尼後時所須飲食衣服卧具湯藥薪草燈燭皆從索取估客知比丘尼心轉柔軟便語比丘尼言作婬事來比丘尼言莫作是語我是持戒斷婬欲人估客瞋言小婢汝若持戒斷婬欲者何故受我衣食供養即便強捉比丘尼比丘尼高聲大喚即時多人來集問言何故大喚估客言是比丘尼受我衣食不隨我意諸居士語比丘尼汝受他物何故不隨他意比丘尼言我不爲婬欲故受彼財物是估客自來請我作是言汝所須衣食湯藥薪草燈燭自恣相給我不知以何心故與我諸居士言是估客爲是汝

父親里母親里耶比丘尼言不是諸居士言
若非汝父母親又非賢者不求福德何故不
知與汝財物與汝衣時為姪欲事諸居士呵
責言諸比丘尼自言善好有功德如姪女法
取他財物是中有比丘尼少欲知足行頭陀
間是事心不喜向佛廣說佛以是事集二部
僧知而故問施越比丘尼汝實作是事不答
言實作也尊佛以種種因緣呵責言云何名
比丘尼有漏心從漏心男子自手取食種種
因緣呵已語諸比丘以十利故與比丘尼結
戒從今是戒應如是說若比丘尼有漏心從
漏心男子自手取食是法初犯僧伽婆尸沙

可悔過漏心者於是人邊愛結深厚男子漏
心亦如是男子者謂人男能作姪事食者五
佉陀尼五菩闍尼五似食五佉陀尼者根食
莖食葉食華食菓食五蒲闍尼者飯麩糲魚
肉五似食者糜粟麩麥莠子加師食僧伽婆
尸沙者是罪屬僧僧中有殘因僧前悔過得
除滅故名僧伽婆尸沙是中犯者若比丘尼
有漏心自手從漏心男子手取根食得僧伽
婆尸沙若取莖葉華菓飯麩糲魚肉糜粟麩
麥莠子加師食皆僧伽婆尸沙若有居士因
是比丘尼故與比丘尼僧作食偏與所愛比
丘尼多食比丘尼受者偷蘭遮

佛在王舍城尔時有比丘尼往語施越比丘
尼言若汝無漏心男子有漏心但從自手取
食噉若隨意用於汝何所能是中有比丘尼
少欲知足行頭陀聞是事心不喜種種因緣
呵責言云何名比丘尼語他比丘尼言汝無
漏心男子有漏心但從自手取食噉若隨意
用於汝何所能種種因緣呵責已向佛廣說
佛以是事集二部僧知而故問是比丘尼汝
實作是事不荅言實作世尊佛以種種因緣
呵責是比丘尼言云何名比丘尼勸他比丘
尼言汝無漏心從漏心男子自手取食噉若
隨意用於汝何所能種種因緣呵已語諸比

比丘以十利故與比丘尼結戒從今是戒應如是說若比丘尼言若汝無漏心從漏心男子自手取食噉若隨意用於汝何所能是法初犯僧伽婆尸沙可悔過僧伽婆尸沙者是罪屬僧僧中有殘因僧前悔過除滅是名僧伽婆尸沙是中犯者若比丘尼語比丘尼言汝無漏心從漏心男子自手取食噉若隨意於汝何所能僧伽婆尸沙若比丘尼語比丘尼言若汝無漏心漏心男子與汝食但取噉隨意用於汝何所能僧伽婆尸沙若比丘尼語比丘尼言若汝有漏心漏心男子於汝何所能汝莫從彼自手取食噉莫隨意用偷蘭遮

若比丘尼語比丘尼言若汝無漏心男子有
漏心於汝何所能但莫自手取食噉莫隨意

用偷蘭遮

第五
事竟

佛在舍衛國舍時有比丘尼名跋陀是加毗
羅婆羅門女跋陀比丘尼有姊死往問訊姊
夫因為說法遂至日沒比丘尼作是念我若
還精舍恐道中有賊即住居士舍是居士思
惟此比丘尼不還去者必欲得反戒我當求
令代其姊處作是念已語比丘尼言我舍多
有財物珍寶汝姊所有手脚頭面莊嚴具悉
在我若更取餘人作婦則不能好看我兒兒
亦不愛樂汝若欲反戒者作我兒母汝看我

兒如兒我兒等看汝如母比丘尼作是念若
我違逆是語者或強逼我何不默然即默然
坐居士心念謂欲反戒但以姉新死故默然
中夜復作是語後夜復作是語地了時是比
丘尼從急惱處得脫還至精舍向諸比丘尼
廣說是事是中有比丘尼少欲知足行頭陀
聞是事心不喜種種因緣呵責言云何名比
丘尼一身獨宿種種因緣呵已向佛廣說佛
以是事集二部僧知而故問跋陀比丘尼汝
實作是事不答言實作世尊佛以種種因緣
呵責言云何名比丘尼一身獨宿種種因緣
呵已語諸比丘以十利故與比丘尼結戒從

今是戒應如是說若比丘尼一身獨宿乃至
一夜是法初犯僧伽婆尸沙可悔過夜者從
日沒至地未了是中間名夜僧伽婆尸沙者
是罪屬僧僧中有殘因僧前悔過除滅是名
僧伽婆尸沙是中犯者若比丘尼日沒時一
身獨宿至地了時犯僧伽婆尸沙日沒已初
夜初分初夜中分初夜後分中夜初分中夜
中分中夜後分後夜初分後夜中分後夜後
分亦如是又比丘尼地了時一身獨下乃宿上至
明日地了時犯僧伽婆尸沙若共行比丘尼
若反戒若死若入外道若八難中隨有一一
難起不犯

佛在舍衛國祇時有比丘尼名偷羅難陀多
知多識喜入出諸家是比丘尼早起著衣入
一家出一家出一家復入一家晡時來還大
疲極僧房中卧自言脚痛脇痛脇痛背痛語
諸比丘尼與我按摩諸比丘尼言善女從何
處來答言入某家出某家出某家復入某家
問言汝為佛事僧事耶答言不為諸比丘尼
言若不為佛事僧事去者何以故為作是行
得大疲極是中有些比丘尼少欲知足行頭陀
聞是事心不喜種種因緣呵責言云何名比
丘尼晝日一身獨行種種因緣呵已向佛廣
說佛以是事集二部僧知而改問偷羅難陀

比丘尼汝實作是事不荅言實作世尊佛以
種種因緣呵責云何名比丘尼晝日一身獨行到
白衣家種種因緣呵已語諸比丘以十利故與比
丘尼結戒從今是戒應如是說若比丘尼若
夜若晝一身獨行到白衣家是法初犯僧伽
婆尸沙可悔過晝日者從地了至日未沒是
中間名晝日是中犯者若比丘尼一身獨行
地了時去至日沒時來犯僧伽婆尸沙日出
時日出已中前日中日昃晡時日沒時去日
沒已來還皆僧伽婆尸沙若共行比丘尼若
反戒若死若入外道若八難中隨有一一難
起不犯

佛在舍衛國偷羅難陀比丘尼喜見男子故
晨朝至城門下立看男子出入誰好誰醜見
一男子出端正生著心問言汝欲何去荅言
詣某聚落偷羅難陀言我共汝去居士言隨
意是比丘尼於道中共居士戲笑語言大喚
居士有因緣故入聚落是比丘尼無事於聚
落外立待居士居士又入第二聚落比丘尼
亦復在外立待居士居士又入第三聚落是
比丘尼晡時來還僧房中卧語諸比丘尼言
我大疲極脚痛踣痛膝痛脅痛背痛與我按
摩諸比丘尼言汝從何來荅言我從聚落至
一聚落來問汝為佛事僧事耶荅言不為諸

比丘尼言若不爲佛事僧事去者何故爲作
是行得大疲極是中有比丘尼少欲知足行
頭隨聞是事心不喜種種因緣呵責言云何
名比丘尼獨一身至餘聚落種種因緣呵已
向佛廣說佛以是事集二部僧知而故問偷
羅難隨比丘尼汝實作是事不荅言實作世
尊佛以種種因緣呵責言云何名比丘尼獨
一身往餘聚落種種因緣呵責已語諸比丘
從今是戒應如是說若比丘尼若夜若晝一
身獨行往餘聚落初犯僧伽婆尸沙可悔過
行者有二種水道行陸道行是中犯者若比
丘尼陸道一人獨行往餘聚落僧伽婆尸沙

中道還偷蘭遮若無聚落空地乃至一拘盧
舍僧伽婆尸沙中道還偷蘭遮水道亦如是
若共行比丘尼若反戒若死若入外道若八
難中隨有一一難起不犯

第五事竟

佛在舍衛國尔時諸比丘尼遊行憍薩羅國
向舍衛國道中至河岸上住言誰能先入水
看深淺是中有比丘尼名脩目佉勤健多力
出婆羅門家作是言我能先入即使入水渡
到彼岸水尋瀑漲不能得還獨彼岸宿夜有
賊來剥衣裸形是中有比丘尼少欲知足行
頭隨聞是事心不喜種種因緣呵責云何名
比丘尼獨彼岸宿種種因緣訶已向佛廣說

佛以是事集二部僧知而故問修目佉比丘
尼汝實作是事不荅言實作世尊佛以種種
因緣呵責云何名比丘尼獨彼岸宿種種因
緣呵已語諸比丘從今是戒應如是說若比
丘尼若夜若晝若異聚落若異界若渡河彼
岸一身獨宿是法初犯僧伽婆尸沙可悔過
河者有二種一者脫衣得渡二者不脫衣得
渡有兩岸中有水來去處隨岸中流是名為
河是中犯者若比丘尼獨一身脫衣渡河僧
伽婆尸沙中道還偷蘭遮若二比丘尼共渡
河一渡一還渡者僧伽婆尸沙還者偷蘭遮
若比丘尼脫衣渡池水渡去偷蘭遮中道還

者突吉羅若二比丘尼共渡池水一渡一還
渡者偷蘭遮還者突吉羅若比丘尼褰衣渡
河渡者偷蘭遮中道還突吉羅若二比丘尼
褰衣渡河一渡一還渡者偷蘭遮還者突吉
羅若比丘尼褰衣獨渡池渡者突吉羅中道
還者亦突吉羅若二比丘尼褰衣渡池水一
渡一還渡者突吉羅還者亦突吉羅若從橋
梁舩渡不犯若共渡比丘尼若反戒若死若
入外道若八難中隨有二難起不犯第六
事竟
佛在舍衛國介時諸比丘近婆祇隨城起僧
坊是中漸漸多有居士家圍遶有象鳴馬鳴
大小男女音聲故妨諸比丘讀經坐禪行道

是中有居士名安闍那有威德多饒財寶人
民田宅車磔馬瑙種種富貴相貌成就諸比丘
教令餘處起僧房居士即於安闍那林中起
僧房諸比丘捨近城僧坊入安闍那林僧坊
中住諸比丘尼遊行憍薩羅國向舍衛國次
到婆祇陀城故僧坊中宿見其中床榻卧具
瓮器釜鑊種種備具清淨可住諸比丘尼往
語比丘言諸大德已捨此僧坊者我等當於
中住諸比丘言隨意是僧坊主死後諸兒分
財物是僧房亦在分中一兒得此僧坊者往
語比丘尼言汝等出去諸比丘尼言何故使
我等出耶答言我分得此僧坊比丘尼言我

不從汝得我從諸比丘得若諸比丘使我出
者我當出不隨汝語是中有比丘尼名脩目
佉是婆羅門種中出家勤健多力作強語共
諍居士兒不忍瞋故便打比丘尼是比丘尼
即詣衆官言某甲兒打我衆官問言何故打
汝比丘尼即廣說上事衆官言諸沙門釋子
不應失是僧坊何以故公與兒奪兒與公奪
事不得衆官遣人召是兒來問言汝打比
丘尼不荅言實打衆官案法律檢校打出家
人應得何罪律言隨所用身分即應截之衆
官問言汝以何物打荅言手打又問何手荅
言右手即截右手尠時惡名流布諸沙門釋

女言人截他手一人語二人二人語三人如是展轉滿婆祇陀城是中有比丘尼少欲知足行頭陀聞是事心不喜種種因緣呵責去何名比丘尼言人令截他手種種因緣呵已向佛廣說佛以是事集二部僧知而故問脩目佉比丘尼汝實作是事不荅言實作世尊佛以種種因緣呵責言去何名比丘尼言人令截他手種種因緣呵已語諸比丘以十利故與諸比丘尼結戒從今是戒應如是說若比丘尼詣王若官人若婆羅門若居士所持勢言人者是法初犯僧伽婆尸沙可悔過王者剎利種受王位水澆頭是名爲王剎利水

澆頭若婆羅門若居士若女人受王職亦名
爲王水澆頭官人者食官廩田宅婆羅門者
婆羅門種中生居士者除王除官人除婆羅
門餘不出家人名爲居士恃勢言人者依他
勢力喜鬪諍相言僧伽婆尸沙者是罪屬僧
僧中有殘因僧前悔過除滅是名僧伽婆尸
沙是中犯者若比丘尼詣王若衆官婆羅門
居士恃勢力言人者僧伽婆尸沙若斷事時
在斷事人前瞋恨呵罵本所打人者僧伽婆
尸沙若向餘人呵罵本所打人者偷蘭遮若
屏處瞋罵不言者不犯

七事竟

佛在舍衛國今時波斯匿王有千鬪將半刹

利種半婆羅門種一部名伊舍羅一部名達
多摩那波斯匿王有小國反叛約勅千闍將
令往伐之即往伐破還白王言我等得勝願
王常勝王聞心歡喜悅汝欲何願我當與汝
闍將白言我婦有罪不隨我意聽六日與死
飲至七日以牛舌刀破裂其身王言與汝此
願尔時一刹利將婦不隨夫意欲六日與死飲
至七日以牛舌刀破裂其身是婦多有親里
力勢來遮不聽與死飲諸闍將法一人有事
餘者盡助刹利衆集已強與死飲待至七日
以牛舌刀破裂其身作兩分時有比丘尼名
斯那是摩那居士女常是家出入早起著衣

入是家見諸刹利婦澡浴莊嚴身著好衣服
瓔珞是刹利婦獨著垢衣不莊嚴身愁憂而
坐比丘尼問言餘婦皆莊嚴好衣汝何故獨
著垢衣又不莊嚴愁憂而坐荅言汝不聞耶
問言何等荅言我不隨夫意今受六日死飲
至七日當以牛舌刀裂破我身作兩分汝能
將我去不我去誰當覺者荅言能比丘尼即
袈裟覆此婦將走詣尼僧坊中出家後日諸
刹利衆集以牛舌刀欲殺衆人言喚此婦來
即入舍覓不見求覓不得刹利衆言誰常出
入是家荅言有斯那比丘尼常出入我家或
能將去刹利衆即往圍遶王園比丘尼僧房

刹刹利婦出家未久諸比丘尼欲遮刹刹衆是
衆中有年少刹刹不知罪福作是言一切比
丘尼皆應以牛舌刀破裂作兩分有長老刹
刹言比丘尼是王所守護我等不宜橫作惡
事或能不可汝等小待我先白王王有所勅
當隨王教諸比丘尼即詣末利夫人廣說上
事夫人即向王說王先知故於殿上坐諸刹
刹往詣王所拜言大王常勝王言我先與汝
願汝今當與我願刹刹衆言隨大王所願當
與王言是刹刹婦今已出家便是更生非刹
刹婦刹刹衆言今隨王意當放去王即使語
比丘尼諸善女是事不是汝等知是賊女應

死知王不聽刹利不聽如是女人不應與出家諸刹利若破汝等作兩分者我當去何佛聞是事必當與汝等結戒若比丘尼知是賊女決斷墮死衆人皆知王及刹利不聽不得度作弟子是中有比丘尼少欲知足行頭陀聞是事心不喜向佛廣說佛以是事集二部僧知而故問斯那比丘尼汝實作是事不荅言實作世尊佛以種種因緣呵責言云何名比丘尼知賊女決斷墮死度作弟子種種因緣呵已語諸比丘以十利故與比丘尼結戒從今是戒應如是說若比丘尼知賊女決斷墮死衆人皆知王及刹利衆不聽度作弟子

是法初犯僧伽婆尸沙可悔過知者若自知
若從他聞若賊女自說賊者有二種一者偷
奪財物二者偷身墮死者作罪應死衆人知
者多人所知見聞不聽者王不聽活刹刹衆
不聽者二部不聽活僧伽婆尸沙者是罪屬
僧僧中有殘因僧前悔過除滅是名僧伽婆
尸沙是中犯者若和上尼知阿闍梨尼知比
丘尼僧知和上尼犯僧伽婆尸沙阿闍梨尼
偷蘭遮僧犯突吉羅若和上尼知阿闍梨尼
知僧不知和上尼犯僧伽婆尸沙阿闍梨尼
偷蘭遮僧不犯和上尼知阿闍梨尼及僧不
知和上尼犯僧伽婆尸沙阿闍梨尼及僧不

犯若都不知都不犯

第八
事竟

佛在俱舍彌國余時長老車匿母作比丘尼
名憂婆和妹作比丘尼名闍提闍提爲人惡
性作不善行常惱諸比丘尼諸比丘尼欲爲
闍提作擯羯磨是憂婆和是衆僧斷事人於
僧中遮不得作羯磨後時憂婆和餘行不在
諸比丘尼言我等今與闍提比丘尼作擯羯
磨有比丘尼言憂婆和或能中間遮更有比
丘尼言憂婆和已餘處去多知識卒未得還
諸比丘尼即打撻搥集尼僧與闍提作擯羯
磨明日衆人間闍提比丘尼被擯憂婆和比
丘尼還到其妹所共相問訊闍提言莫共我

語問言何故荅言諸比丘尼羯磨擯我憂婆
和念言是事不是我作僧斷事人不在便強
作擯今我不能問諸比丘尼不取欲出界外
當與解擯時憂婆和不問諸比丘尼不取欲
即出界外為闡提解擯是中有比丘尼少欲
知足行頭陀聞是事心不喜種種因緣呵責
云何名比丘尼知尼僧如法和合作羯磨擯比
丘尼不問比丘尼僧不取諸比丘尼欲出界
外與他解擯種種因緣呵已向佛廣說佛以
是事集二部僧知而故問憂婆和比丘尼汝
實作是事不荅言實作世尊佛以種種因緣
呵責云何名比丘尼知比丘尼僧如法作擯

不問比丘尼僧亦不取欲出界外與比丘尼
解擯種種因緣呵已語諸比丘以十利故與
比丘尼結戒從今是戒應如是說若比丘尼
知比丘尼一心和合僧作不見擯不問比丘
尼僧亦不取欲出界外與他解擯是法初犯
僧伽婆尸沙可悔過知者若自知若從他聞
若彼自說如法者如法如毗尼如佛教擯不
問比丘尼僧者不以是事白比丘尼僧不取
欲者乃至不取四人欲出界外者衆僧籬外
壁外障外解擯者若自解若使他令解僧伽婆
尸沙者是罪屬僧僧中有殘因僧前悔過除
滅是名僧伽婆尸沙是中犯者若和上尼知

作羯磨人知僧知和上尼犯僧伽婆尸沙羯
磨人犯偷蘭遮僧犯突吉羅若和上尼知羯磨
人知僧不知和上尼犯僧伽婆尸沙羯磨人
犯偷蘭遮僧不犯若和上尼知羯磨人不知
僧不知和上尼犯僧伽婆尸沙羯磨人及僧
不犯若一切不知不犯

第九
事竟

十七事第十四

佛在舍衛國余時有比丘尼名曰迦羅本是
外道喜鬪諍相言是比丘尼共餘比丘尼鬪
諍時作是言我捨佛捨法捨僧捨戒非但沙
門釋子知道更有餘沙門婆羅門有慚愧善
好樂持戒我當從彼修梵行是中有比丘尼

少欲知足行頭隨聞是事心不喜呵責言云
何名比丘尼鬪諍時作是言我捨佛捨法捨
僧捨戒不但沙門釋子知道更有餘沙門婆
羅門有慚愧善好樂持戒我當從彼修梵行
種種因緣呵已向佛廣說佛以是事集二部
僧知而故問迦羅比丘尼汝實作是事不荅
言實作世尊佛以種種因緣呵責言云何名
比丘尼共鬪諍時作是言我捨佛捨法捨僧
捨戒不但沙門釋子知道更有餘沙門婆羅
門有慚愧善好樂持戒我當從彼修行梵行
種種因緣呵已語諸比丘以十利故與比丘
尼結戒從今是戒應如是說若比丘尼共比

比丘鬪諍時作是言我捨佛捨法捨僧捨戒
非但沙門釋子知道更有餘沙門婆羅門有
慚愧善好樂持戒者我當從彼修梵行諸比
丘尼應諫是比丘尼言汝莫共諸比丘尼鬪
諍時作是言我捨佛捨法捨僧捨戒非但沙
門釋子知道更有餘沙門婆羅門有慚愧善
好樂持戒我當從彼修梵行汝應佛法中樂
修梵行當捨離自不樂心是比丘尼諸比丘
尼如是諫時堅持是事不捨者諸比丘尼應
第二第三諫令捨是事若是比丘尼第二第
三諫時捨者善若不捨者是法乃至三諫僧伽
婆尸沙可悔過僧伽婆尸沙者是罪屬僧僧

中有殘因僧前悔過除滅是名僧伽婆尸沙
是中犯者若比丘尼言我捨佛偷蘭遮若言
捨法偷蘭遮若言捨僧若言捨戒皆偷蘭遮
若言非但沙門釋子知道更有餘沙門婆羅
門有慚愧善好樂持戒我當從彼修梵行呵
衆僧故得波逸提諸比丘尼先應軟語約勅
尔時捨者應教四偷蘭遮一波逸提悔過出
罪若軟語不捨者應白四羯磨約勅約法
者僧一心和合一比丘尼應唱言大德尼僧
聽是迦羅比丘尼先是外道今共諸比丘尼
鬪諍時作如是言我捨佛捨法捨僧捨戒非
但沙門釋子知道更有餘沙門婆羅門有慚

愧善好樂持戒我當從彼修學梵行已輕語
約勅不捨惡邪若僧時到僧忍聽今僧約勅
迦羅比丘尼汝莫共諸比丘尼鬪諍時作是
言我捨佛捨法捨僧捨戒非但沙門釋子知
道更有餘沙門婆羅門有慚愧善好樂持戒
我當從彼修梵行是名白如是白四羯磨僧
約勅某甲比丘尼竟僧忍默然故是爭如是
持如佛先說是比丘尼諸比丘尼應約勅乃
至三諫令捨是事者是名爲約勅是名爲教
是名約勅教若輕語約勅不捨者未犯初說
說未竟說竟第二說說未竟說竟第三說說
未竟非法別衆非法和合衆似法別衆似法

和合衆如法別衆異法異律異佛教若約勅
不捨者未犯若如法如律如佛教三約勅不
捨者是比丘尼犯僧伽婆尸沙十四事竟

佛在舍衛國介時迦羅比丘尼喜鬪諍相言
時作是言諸比丘尼僧隨愛行隨瞋行隨怖
行隨癡行是中有比丘尼少欲知足行頭陀
聞是事心不喜種種因緣呵責言云何名比
丘尼共鬪諍時作是言諸比丘尼僧隨愛行
隨瞋行隨怖行隨癡行種種因緣呵已向佛
廣說佛以是事集二部僧知而故問迦羅比
丘尼言汝實作是事不荅言實作世尊佛以
種種因緣呵責言云何名比丘尼共鬪諍時

作是言諸比丘尼僧隨愛行隨瞋行隨怖行
隨癡行種種因緣呵已語諸比丘以十利故
與諸比丘尼結戒從今是戒應如是說若比
丘尼共比丘尼鬪諍時作是言比丘尼僧隨
愛行隨瞋行隨怖行隨癡行是比丘尼諸比
丘尼應如是諫汝莫共諸比丘尼鬪諍時作
是言比丘尼僧隨愛行隨瞋行隨怖行隨癡
行何以故比丘尼僧不隨愛行不隨瞋行不
隨怖行不隨癡行汝比丘尼捨是隨愛語隨
瞋語隨怖語隨癡語是比丘尼諸比丘尼如
是諫時堅持是事不捨者諸比丘尼應第二
第三諫令捨是事若第二第三諫時捨是事

者善若不捨者是比丘尼乃至三諫僧伽婆尸沙可悔過僧伽婆尸沙者是罪屬僧僧中有有殘因僧前悔過除滅是名僧伽婆尸沙是中犯者若比丘尼作是言比丘尼僧隨愛行偷蘭遮隨瞋行偷蘭遮隨怖行偷蘭遮隨癡行偷蘭遮諸比丘尼先應軟語約勅令時捨者應教作四偷蘭遮悔過出罪若軟語不捨者應白四羯磨約勅約法者一心和合僧一比丘尼應僧中唱言大德尼僧聽迦羅比丘尼先是外道今共諸比丘尼鬪諍時作是言諸比丘尼隨愛行隨瞋行隨怖行隨癡行已軟語約勅不捨若僧時到僧忍聽今僧約勅

迦羅比丘尼汝莫共諸比丘尼鬪諍時作是
言諸比丘尼隨愛行隨瞋行隨怖行隨癡行是
名白如是白四羯磨僧約勅迦羅比丘尼竟僧
忍默然故是事如是持如佛先說是比丘尼
諸比丘尼應約勅乃至三諫令捨是事者是
名爲約勅是名爲教是名約勅教若輕語教
勅不捨者未犯初說說未竟說竟第二說說
未竟說竟第三說說未竟非法別衆非法和
合衆似法別衆似法和合衆如法別衆異法
異律異佛教若約勅不捨者未犯若如法如
毗尼如佛教三約勅不捨者是比丘尼犯僧
伽婆尸沙

佛在舍衛國舍時有二比丘尼一名達磨二名曇彌同心共作惡業有惡名聲常惱比丘尼僧互相覆罪是中有比丘尼少欲知足行頭陀闍是事心不喜種種因緣呵責言云何名比丘尼同心共作惡業有惡名聲常惱比丘尼僧互相覆罪種種因緣呵已向佛廣說佛以是事集二部僧知而故問達磨曇彌比丘尼汝實作是事不答言實作世尊佛以種種因緣呵責云何名比丘尼同心共作惡業有惡名聲常惱比丘尼僧互相覆罪種種因緣呵已語諸比丘以十利故與比丘尼結戒從今是戒應如是說若二比丘尼同心共作

惡業有惡名聲常惱比丘尼僧互相覆罪是
二比丘尼諸比丘尼應如是諫汝等莫共同
心共作惡業有惡名聲常惱比丘尼僧互相
覆罪汝等各遠離行若汝等遠離行者佛法
得增長汝等捨是隨順惡行諸比丘尼如是
諫時是二比丘尼堅持是事不捨者諸比丘
尼應第二第三諫令捨是事第二第三諫時
捨者善若不捨者是法乃至三諫僧伽婆
尸沙可悔過二比丘尼作惡業者作邪惡事
身口惡業有惡名聲者四方聞知惱比丘尼
僧者乃至惱四比丘尼互相覆罪者共作不
清淨事各相覆藏不令人知僧伽婆尸沙等

是罪屬僧僧中有殘因僧前悔過除滅是名
僧伽婆尸沙是中犯者若二比丘尼同心共
作不善因緣偷蘭遮有惡名聲偷蘭遮惱比
丘尼僧偷蘭遮互相覆罪偷蘭遮諸比丘尼
先應軟語教捨是事若捨者應教作四偷蘭
遮悔過出罪若軟語不捨者應白四羯磨約
勅羯磨法者一心和合僧一比丘尼僧中唱
言大德尼僧聽是二比丘尼達磨曇弥同心
作惡業有惡名聲常惱衆僧互相覆罪已軟
語約勅不捨若僧時到僧忍聽今僧約勅是
二比丘尼汝等莫同心作惡業有惡名聲常
惱比丘尼僧互相覆罪是名白如是白四羯

磨僧約勅竟僧忍默然故是事如是持如佛
先說是比丘尼諸比丘尼應約勅乃至三諫
令捨是事者是名爲約勅是名爲教是名約
勅教若輒語約勅不捨者未犯初說說未竟
說竟第二說說未竟說竟第三說說未竟非
法別衆非法和合衆似法別衆似法和合衆
如法別衆異法異律異佛教若約勅不捨者
未犯若如法如毗尼如佛教三約勅不捨者
是比丘尼僧伽婆尸沙十六事竟

佛在王舍城介時助調達諸比丘尼往語達摩
曇彌二比丘尼作是言汝等莫別離行當同
心行若汝等別離行者不得增長同心行者

便得增長比丘尼僧中亦有如汝等者僧以
瞋故教汝別離行是中有比丘尼少欲知足
行頭陁聞是事心不喜種種因緣呵責言去
何名比丘尼往語達磨曇弥比丘尼言汝等
莫別離行當同心行若別離行者不得增長
同心行者便得增長比丘尼僧中亦有如汝
等者僧以瞋故教汝別離行種種因緣呵已
向佛廣說佛以是事集二部僧知而故問助
調達比丘尼汝實作是事不荅言實作世尊
佛以種種因緣呵責言去何名比丘尼往語
達磨曇弥比丘尼言汝等莫別離行當同心
行若別離行者不得增長同心行者便得增

長比丘尼僧中亦有如汝等者僧以瞋故教
汝別離行種種因緣呵已語諸比丘以十利
故與比丘尼結戒從今是戒應如是說若比
丘尼教二比丘尼言汝等莫別離行當同心
行別離行者不得增長同心行者便得增長
比丘尼僧中亦有如汝等者僧以瞋故教汝
別離行諸比丘尼應如是諫是比丘尼汝莫
教二比丘尼作是言汝等莫別離行當同心
行別離行者不得增長同心行者便得增長
比丘尼僧中亦有如汝等者僧以瞋故教汝
別離行汝當捨是勸邪行事諸比丘尼如是
諫時是比丘尼堅持是事不捨者諸比丘尼

應第二第三諫令捨是事第二第三諫時捨者善若不捨者是法乃至三諫僧伽婆尸沙可悔過僧伽婆尸沙者是罪屬僧僧中有殘因僧前悔過除滅是名僧伽婆尸沙是中犯者若比丘尼勸二比丘尼言汝等莫別離行偷蘭遮當同心行偷蘭遮若言別離行者不得增長偷蘭遮同心行者便得增長偷蘭遮若言比丘尼僧中亦有如汝等者僧瞋故教汝別離行呵責比丘尼僧故波逸提諸比丘尼先應軟語教捨者應教作四偷蘭遮一波逸提悔過出罪若軟語不捨者應白四羯磨約勅羯磨法者一心和合僧一比丘尼僧中

言大德尼僧聽是某甲比丘尼教某甲二比丘尼作是言汝等莫別離行當同心行別離行者不得增長同心行者便得增長比丘尼僧中亦有如汝等者但僧瞋故教汝別離行已輒語約勅不捨若僧時到僧忍聽今僧約勅某甲比丘尼汝莫教某甲二比丘尼作是言汝莫別離行當同心行別離行者不得增長同心行者便得增長僧中亦有如汝等者僧以瞋故教汝別離行汝當捨是勸邪行事是名白如是白四羯磨僧與某甲比丘尼約勅竟僧忍默然故是事如是持如佛先說是比丘尼諸比丘尼乃至三諫令捨是事者是名爲

約勅是名為教是名為約勅教若輕語約勅
 不捨者未犯初說說未竟說竟第二說說未
 竟說竟第三說說未竟非法別眾非法和合
 眾似法別眾似法和合眾如法別眾異法異
 律異佛教若約勅不捨者未犯若如法如律
 如佛教三約勅不捨者是比丘尼犯僧伽婆

尸沙

十誦律卷第四十二

以

腕烏貫反搯苦夾反咽二同音脅上音凶下

齋音机居矣反輦余預二音刀稍下音屏覆上音餅

帝隸帝反日下徒反奕軟字估客上音古法丘

反 麩 糲 上 反 小 備

及 糜 粟 上 密 碑 反 麴 麦 上 俱 反

郭 莠 子 上 音 瀑 泐 上 蒲 報 反 寒 衣 上 去 釜 鑊 下 胡

反 澆 古 堯 官 廩 下 力 反 叛 音 闡 提 上 昌 捷

追 下 直 追 反 或 利 反



